

sie vermeint durch besagte Mord die Niderländische
Prouinzen/ als die dan kein Haupt vñ Fürsteher ha-
ben wurden / in verzweiflung / vnd also in ihrem ge-
walt vñnd endtliches Verderben vnd vndergang zu
bringen/ da doch Gott in ihrer größten not vnd trübs-
sal sie mit den augen seiner barmherigkeit angesehē/
erlost vnd in freyheit gebracht / vnd hingegen ihren
Feind zu spott vnd schanden gemacht / in dem er auf
dem abgehanwenen Baum ein so kostliches Zweig-
lein herfür/ ja gleichsam bis an den Himmel hinauff
hat wachsen lassen. Dann was das für herrlicher Bi-
ctorien / glück vnd segen der dreyeinige Allmächtige
Gott durch diesen Gedeon vnd thewren Helden den
Bereinigten Niderlandē geben vñ verliche/ ist zwar
der ganzen Welt gnugsam bekant/ verheffen gleich-
wohl daß zu derselben erklärung vñ aufführlichem be-
richt dieses vnser gegenwärtiges werck sehr dienstlich
sein werde,

Die samptliche Stend der Niderlanden/ hatten
eh vnd beuor der Graff von Euester von der Königin
aus Engelland als Gubernator inn Niderland ge-
schickt worden Graff Moriken von Nassau eine in-
struction vñnd Verfassung wegen seines Guberna-
ments vnd Admiralschafft vber Holland/ Seeland/
Friesland vnd Btrecht ertheilet vnd geben/ mit die-
sem geding / daß er gegen obgemeltem general Gu-
bernator / den die Königin von Engelland schicken
wurde/ in aller gebühr sich erzeigen/ vnd demselben
gebührlichen Respect vnd gehorsam leisten solte.

Nachdem nun Graff Moriz das Regiment an-
genommen/ vnd der Prinz von Parma anno 1586. die
Stadt Neuß beleget hatte/ hat er nebe Herrn Phi-
lips Sidney den Gubernator zu Flissingen mit 2.000
3000. Mann in Flanden eine zug fürgenommen/ in hoff-
nung